



Aningaasaqarnermut Naalackersuisoq

Ulloq: 18. december 2020
J.nr.: 01.31.06/20-00915

Aningaasaqarnermut Akileraartarnermullu Ataatsimiititaliap pingasunnngornermi ulloq 16. december aalajangiineranik Naalackersuisunut ilisimatitsineq.

Tarnikkut nappaatilinnut illussamut pilersaarusionermermut aningaasaleeqqinnissamut nuussineq – Suliaq nr. 01.31.06/20 – 00915.

”Naalackersuisut **inassutigaat:**

- Konto pingaarneq 86.60.01 Peqqinnissaqarfimmi, suliniut nr. 060.46.021 Nuummi tarnikkut nappaatilinnut illu, aningaasaliissutit 8.000.000 kr.-nik ilaneqassasut
- Konto pingaarneq 86.60.01 Peqqinnissaqarfimmi, suliniut nr. 996.47.055 Sanaartugassat nutaat iluarsagassallu assigiinngitsut, aningaasaliissutit 8.000.000 kr.-nik ilanngarneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqu-taalu:

2020-mi aningaasanut inatsimmi aningaasaliissutit sipporneqarsimasut Aningaasaqarnermut Akileraartarnermullu Ataatsimiititaliamit oqaatigineqassaaq, tamannalu peqqinnissaqarfimmi sanaartugassanik aqutsinermik pissuteqartut Naalackersuisunit tunngaveqartinneqarpoq:

”Aqutsisuni atorfiit pingaarutillit taarserarnerat pissutigalugu suliniummut aningaasaliinerunissamut nuussinissamut piffissaq eqqorlugu qinnuteqartoqanngitsoorsimavoq. Kiisalu Peqqinnissaqarfiup aamma Ineqarnermut Ineqarnermut Attaveqaatigiinnermullu Naalackersuisoqarfiup akornanni peqqinnissaqarfimmi sanaartornissamut kontumi pilersaarusanut aningaasat atorneqarnissaannut piffissaliussat pillugit paatsoortoqarsimavoq” (qinnuteqaammi qupperneq 3) kiisalu

”Taamatut pisoqaqqinnginnissaa qulakkeerniarlugu peqqinnissaqarfimmi sanaartornissamut pilersaarutit pillugit aqutsineq sukaterisoqassaaq.” ((qinnuteqaammi qupperneq 3)

1. Tassunga atatillugu naliliinerup matumani pineqartup ataatsimiititaliamut qaqugu saqqummiunneqartussatut naatsorsuutigineqarnera paasissutissiissutigineqassasoq ataatsimiititaliamit kissaatigineqarpoq.

Taamatuttaaq ataatsimiititaliamit maluginiarneqarpoq:

”Illussap atorneqarnissaanut pisariaqartinneqartut eqqarsaatigalugit imaluunniit sanaartornissamut maleruagassani piumasaqaatit pisariaqartinneqartut kisiisa piumasaqaatigineqassapput. Taamaattumik Suliassanik tamanik suliarinninnissamut neqeroorteqartut nalinginnaasut namminneq immikkuullarissutigisatik ilanngullugit

neqerooruteqarsinnaalerput. Sanaartoriaatsinut pissutissaqanngippallu sanaartuutissanut (materialer) piumasaqaateqartoqassanngitsoq aalajangiunneqarpoq.”

Siuliani allassimasut ataatsimiititaliamit qularutigineqarput, tassami tarnikkut nappaatilinnut illussamik sanaartortoqartillugu atortussanut il.il. piumasaqaatit nalinginnaasumik annertusarmata.

2. Taamaattumillu siuliani allassimasut tamakkiisutut isigineqarsinnaanersut oqaaseqarfigineqarnissaa siunertaralugu taamatut naliliineq ataatsimiititaliamit susassaqtumut nassiunneqassasoq ataatsimiititaliamit inassutigineqarpoq.

Siuliani allassimasut akissuteqarfigineqareerpata, aningaasalersuinissamut kissaatit eqqarsaatigalugit suliasaq ataatsimiititaliamit suliarineqaqqissaaq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataasa **aalajangiiffiginissaat** Aningaasaqarnermut Akileraartarnermullu Ataatsimiititaliamit **kinguartinneqarpoq.**

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua